

آبونه شرائطی

ممالك عثمانیه ده سنه لکی (۶۵)، التي
آیلغی (۳۵) غروشدور .

ممالك احصیه ده سنه لکی (۱۷)، التي
آیلغی (۹) قرانقدور .

اداره خانه

باب عالی جاده سنده دائرة مخصوصه

اضطارات

آبونه بدلی پشندور .

§

مسلكه موافق آثار مع الممنونیه قبول
اولنور . درج ایدلمه یازیلر اعاده
اولونماز .



۱۳۳۰

اضطارات

رساله خردن آلدیغی کوسترملک شرطیه
بتون یازیلر هر هانکی بر غزنه طرفندن
اقتباس اولونه ییلیر .

§

مکتوبلرک، امضالرک واضح و اوقوناقلی
اولمسی و آبونه صره نوموسى محتوی
بولونمسی لازمدور .

§

ممالك اجنبیه ایچون آبونه اولانلرک
آدرس لریشک فرانسزجه ده یازلمسی رجا
اولنور .

§

پاره کوندرلدیکی، ان نه یه د ثراولدیغنک
واضعا ییلدیلمسی رجا اولنور .

اجتماعی

آلدانیورز و آلدانیورز

بو عنوان ایله باکوده منتشر شلاله غزته سنک قادیلر مسئله سی حقنده نشر ایتدیکی مقاله :

صوک زمانلرده اسلامیت ایچین فوق العاده مضر بر حال قارشینده بولنیورز . آلدانیورز و آلدانیورز ؟ یاخود ، آلدانغه ، آلدانوب دوشدیکمز کربویه باشقه شیخی ده سوروکله مکه چالشیورز . یابه جق بر ایشمز ، کوره جک بروطفه من قالدی کی ، دوغرودن دوغرویه دینه تماش ایدن نقطه لر اوزرینه اجاله قلم ایله عقمز نه کلیرسه یازمغه ، سویله مکه باشلادق . کویا بزم مانع ترقی و سلامتمز قادیلر مرکز تستری ، باش و اوستمزده کی کسوه ، قیلدیغمز نماز ، طوتدیغمز اوروج ، ایناندیغمز معتقدات ایش کی بر چرق کشیلر آلابیلدیکنه بونلر علیهنده یازیور ، چیزییور ، سویله یور . امینم ، که کندیلری ده نه سویلدکلرینی ، نه یابدقلمرینی بیلیمه یورلر . اگر بیلیمش اولسه لر ، یرینه بر شی قومئادن ، دها مکملنی احضار ایدوب میدانه چیقارمادن ؛ براساسی ، بر عقیده یی ، بر فکری بیقمق قدر بویوک بر خطا اولمیه جفنی تقدیر ایدرلر ؛ افرادندن بولوندقلمری ملتی کرداب فلاکته سوروکله مکه آلری ، دیلاری وارمازدی .

فی الواقع ارباب قلمک وظیفه سی منسوب اولدقلمری ملتی ایقاپ ایه ده بوده اجاله قلم ایدیلن خصوصی صاحب قلمک تمامیه ، غوامضنه واقف اولمق صورتیه بیلیمسنه وابسته در . انسان بیلیمه دیکی بر مسئله یی پارماغه دولایه رق میدانه آتیلیرایسه کندیسنی کولو نج بروضعیه قویقمقن باشقه بر ایشه یاراماز . یالکمز بو قدرلده قالسه باس یوقدر دیلم ؛ فقط ، قویویه برطاش آتار ، که قرق عقللی چیقاراماز . بوندن ده خدمت ایتک ایسته دیکی ملت متضرر اولور .

بو کی مهم مسئله لرده فائده ویا مضر اولوب اولمادیغنی بیلیمک ، اسلامیتی بحق بیلوب آکلامش اولمغه متوققدر . آنجق او معلومات واحاطه یه مالک اولانلر بو کی خصوصاتده یازی یازمق حق و صلاحیتنی حاز اولورلر . و او وقت یازدقلمری یازیلر اوقونور ، سویلدکلری شیلر دوشونولرک تدقیق ایدیلر . دوغرو اولدیغنه قناعت حاصل اولونجه مقبول کورولور . یوقسه ، اسلامیتی (دوقنور دوزی) نک ، (فیلسوف ماکیاوئل) ، ویا بر دیگر پروفسورک کتابندن آکلامش ، عقائددرسنی یک سطحی کورمش ویاخود هیج کورمه مش ، اجنبی لسانلرندن برویا برقاچه واقف اولمق ایله کندیلرینی علم صائمش آدملرک بو خصوصده میدانه آتیلیمغه حق و صلاحیتی قطعاً یوقدر .

دینه قاریشدیرلش بر طاقم خرافاتک آیرلمسنه ، بزده طرفدارز ؛ حتی بونک الزم اولدیغنه قانمز . زیرا بو کی خرافاتدر ، که دینک اساسنی بیلیمینلری دینسزک طریقتی التزامه سوق ایدر . و بو کی خرافاتدر ، که

مضردر . فقط ، بر مضرری ازاله ایچین مفیدی ده ضایع ایتک ، یک بویوک ، عادتاً عفو ایدلر بر خطادر .

کوز آغریسنی تداوی ایده ییم ، دیرایکن کوزی بوتون بوتون کورمن ایدن دیپلوماسز جاهل کخاللر کی خرافاتی قالدیریم ، دیرایکن مقدسات دینی رخنه دار ایله یز آدملر ، یابدقلمری خطایی آکلارلرایسه — اگر آدم ایسلر — شبهه سزدر ، که وجداناً معذب اولورلر .

اگر مانع ترقی ، تستر نسوان ، کسوه و قیافت ، مذهب و اعتقاد ایسه ، بوشیلر ، اسلاملرک انحطاطه باشلادقلمری زماندنبری ایجاد اولونمش شیلر دکلدلر . دکل بزم ، بوتون اوروپا تاریخلرینک ده اعتراف ایلدکلری وجهله علوم فنونده ، مدنیت و صنعتده فوق العاده یوکسک بر موقع شان و شرفی اشغال ایدن ادوار اولین اسلامیه ده کی قادیلرده دخی تستر واردی . بغداد ، اندلس ، شام حکومتلری زماننده ده اسلاملرک البسه لری فرنکلرک لباسنه بکزمه میوردی . اعتقادات ایسه شیمیدیکی حالندن هر حالده دها جوق وقوی ایدی . اوزمانلر مانع ترقی اولمایان شیلر ، شمدی نهدن مانع ترقی اولیور ؟ عجبا بو کون آوروپالیلرک ترقیسی ، تعالیسی شابه که یدکلرندن ، قادیلری آچیق کزدیردکلرندن وسالر ره دیمیدر ؟

امین اولکمز ، که : خایر .
چونکه کرامت شایقه ده ؛ کسوده اولسه ایدی ؛ آوروپاده و آمریقاده « سفالت » اولماق ایجاب ایدردی .

قادیلرک آچیق قیافتله سوقاغه چیقمالری ترقی یی تأمین ایتسه ایدی ؛ عصرلردنبری چیر چیللق کزهن آفریقا زنجیلری ترقی ایتمش اولمیلیدی .

حبل متین دینه اک زیاده یاپیشمش اولان اسکی اسلاملرک متدنی قالمسی ایجاب ایلردی .

خرافاتنه اینانمق ترقی یی منع ایتسه ایدی ، ایناندقلمری خرافات هر حالده بزدن برقاچ قات فضله اولان بعض اقوام خرستیانیه نک کوری قالملری لازم کلیردی .

حالبوکه هر کس بیلیر ، که سفالت ، آوروپاده بزدن زیاده در . آفریقا زنجیلری مدینتدن ، ترقیدن محرومدر .

اسکی اسلاملر ، — کندی عصر لرنده کی — آوروپالیلردن دها عالم ، دها متقن ایدیلر .

بزدن زیاده خرافات ایله ذهنلری مملو اولان اقوام دونده ، بو کونده ترقی ایتمش وایدیور .

ویل ، بزله !

آلمان قادیلری

روسیه غزته لرنده اوقونمشدر :

انکلیز و فرانسز قادیلرینک حقوق سیاسیه یه نائل اولمق ایچون صرف ایتدکلری مساعیه آلمان قادیلری اشتراک ایتیلورلر . بونلر

بشر - سفاقتدن بشقہ نہ دوشونور ! ؟ بزى يالکز منسوب اولديغمز عائلہ افرادندن برينہ کلہجک بر مصيبت بلکہ راز اورسہلر ، يوقسہ کوزمرك اوکنده يوز بيکلرجه دینداسمز محو ایدلسہ ، بونلرک بيکس ويقيم عائلہ و اولادلى ينہ او چيقهسى کوزلر اوکنده آج و صوسز سورونسہ ، دشمنلرمز معاذللہ تکرار عرض وناموسمزى اياقلر آلتنہ آلہرق بزى کائناتدن چيقارمغہ چاليشسہ ينہ بز لاقيد ، ينہ بز بيکانه ! شمدى فضائل انسانينہك شو درکلرينہ قدر تنزل ايدن بر حس ايله متحلى بز مسلمانلردن مقاله ويا سوزله اعانہ جمى قابلدن ملاحظہ سندنہ بولنانلر صاف درون دکلدہ نہ درلر ؟ وطن محبتى ، مليت سوداسنى عمرندہ برکرہ حس ايتامش بر قومہ قارشى انحق جبروشدت ايش کورہ بيلير . آرتق بز بوقانى قورومش انسانلرہ سوز اکلآتقى دورى چوقدن کچدى ، حکومت بوبادہ بشقہ چارہلر دوشونملى ، بشقہ منابع تحرى ايتلى .

نفوس باشينہ آيدہ بر غروش اطف ايدک آوازہ حميتلہ فربادايدن دونما مجموعہسى عجباً دلالاتنى چيقارہ بيلديمى ؟ مسئلہ يہ جدى کيريشمک دورہ سندنہ يز ، بزم حسيات مليہ من مستثنا الفاظ استعماليلہ غلبانہ کلز ، چونکہ يوق بونى زمان يزہ اکلآتدى .

حکومت طرفندن ہر نفوس آيدہ بر غروش ويرمکہ مجبور ايدملى ، ہر خانہ حاوى اولدينى نفوسى قدر غروش ويرملى . حميدہ حجاز تيور يولنہ مخصوص علم و خبرلر طرزندہ دونما اعانہ سنہ مخصوص بوللر ميدان تداولہ چيقارملى ، استدعالرہ واوراق سائرہ رسنيہ يہ الصاق ايدملى ، بتون سواحل عثمانیہ دہ - اجنبى وخرستيانلر مستثنا - واپورلردن چيقاچقلردن دونما اعانہ سنہ مخصوص اولق اوزرہ بر مقدارارضیہ النہلى ، مأمورين معاشاتندن حرب ويرکوسى ناميلہ قطع ايديلن مبالغہ کي اعانہ بحريہ ويرکوسى ناميلہ دہ معاش نسبتندہ بر شى قطع ايدملى . اصحاب املاک واغنيای مشورہ اولہجق روحسزلردن ثروتلری نسبتندہ آريجہ مقطوع بر ويرکو تحصيل ايتملى . حاصلی دہا عقلمک ايرہ مدیکي بر جوق منابع آرہ يوب بولمليدہ ايشہ جدى صورتدہ صاريلہلى يوقسہ اہ عشقنہ حکومتہ خطاب ايدک بو خصوصدہ نہ کي وسائطہ مراجعت ايدرسہ محق کوريلہ جکندن امين اولسون . وسائط مذکورہ تقوين ايدمک صورتيلہ مشروعدر ، ہرکس تادیبہ مجبور قالير . آرتق بزم کي ايماني کوشہک انسانلرہ خطاب ايتيک . بزم مقدراتمز قوۃ بازو ايلہ دونمکہ آليشقدر .

خالص طلعت

نَفَيْدُ وَنَفَيْضُ

حيات حضرت محمد ﷺ

عنوانی اثر مفندہ

— ۲ —

موضوع بحشمز اولان کتابک ۲۰ نجى صحيفہ سندنہ «کرہک وبلقع بلدہلرينک منبت اووالرى ...» ديہہ برعبارہ وار . عربستاندہ (کرہک)

بالعکس تماميلہ او ايشلرينہ حصر مساعى ايدکي آرزو ايدیورلر . فقط بالمقابلہ بر شرط درميان ايدیورلرکہ اودہ زوج ، پدر ، برادر کي عائلہلری ارکانک اوتدہ بريده کز مہملری ، بوش زمانلرني کندیلرينک يانندہ کچيرملری خصوصندن عبارتدر . بومقصده آلمان قاديئلری برقاج يوز بيک امضايى محتوی بر شکايتنامہ حاضر لامشردر . بوشکايتنامہ دہ قلوب وسائر بوکي ارکک اجتماعکاهلرينک عددی ضابطہ طرفندن تحديد اولنمى طلب ايدمکدہدر .

فى الحقيقہ آلمان قاديئلری قلوبلرک وسائر اجتماع محللرينک ساعتلرجه زوجلرينى ، ارککلرينى آليقويهرق يلمک وقتلرينى کچیکديرمکہ ، فضله مصرف اختيار ايدمکہ سوق ايتديکنى بيان ايدیورلر .

ضابطہ : زوج ، پدر ، برادر ، اوغل کي عائلہ ارککلرينى بوکي محللردہ طولاشمقدن منع ايدہ بيلمک ايچون برچارہ آرايوز وپک زيادہ مشکلات ايچندہ بولنیورمش .

مَقَالَاتُ

فاضل محترم، م . شمس الدين بك افندی

محترم افندی حضرتلری

اوتدہ نبری قلبى پارچہ لایان ، دونما اعانہسى حقندہکي لاقيدلغہ دائر عرض ايدہجکم بر قاج سوز مشغوليتکزرہ مانع دکلسہ لطفاً او قویکز :

بوملت ايلککله پاره ويرمز !

انقلاب ياييلمغہ ، حکومتک شکیلى دیکشمککله او حکومتہ منسوب انسانلرکدہ اخلاق دیکشمزیا . سنين وفيرہ دنبری اذا وجفایہ آليشمش ، طياقلہ پاره ويرمکي اصول ، عادت اتخاذايتمش ، تحصيلدارلرہ ، ژاندارمہلرہ ويرہجکي ويرکويه يقين بر مقدار رشوت ويروب خانہ سندنہ مشروع ايمش کي بسلمکي قاعدہ طائيش بر ملت سوزله متأثر اولورده آدمہ پاره ويررمى ؟ طيبي ويرمز !

سبیل الرشادہ بو باده يازيلان مقالات ايلہ جرائد ورسائل سائرہ دہ ينہ بو خصوصدہکي ارشاداتدن شمدى يہ قدر نہ نتيجه حاصل اولدى ؟ بويلہ بيکلرجه مقالات ، يوز بيکلرجه قونفرانسلردن متأثر اوليان وکچيريلن بو قدر خجايہ قارشو « قدرى » ايلری سورہرک لاقيد قالان بر قومہ خطاب ايدوب طور مقده معنانه در ؟ يازہ يازہ بلکہ بر ثمرہ حاصل اولور فکرى ايسہ ، سزى قسم ايلہ تأمين ايدہرمکہ بزم قاندرلغمزى ، حميتسزلکمزى کيدرمک ، بزى سوزله يولہ کتيرمک محال ايلہ اوغراشمق قبيلندندر .

يونان زرهلى آليورمش ، بزہ قارشى تفوق بحريسنى بو صورتلہ بستون تأمين ايدہجکمش ، اطہلرمزى ويرمکدن بشقہ يارين پايتختمزى ، اناطوليمزى تهديد ايدہجکمش ودها صوکرہ دونما مزى تزيبده غيرت ايتز ايسہک دولتک بقاسندنہ شہہ وارمش کي انسانى ؛ فقط دقت بيورک انسانى ديورم ؛ محو ايديجى ، هونکور هونکور آغلاتيجى بو قدر آجى حقيقتلرک بزہ تأثير ايدہجکنى حالا مأمول ايدیورميسکز ؟ عرض ايتديکم وجهلہ ، بتون معناسيلہ حسدن محروم ، سفيل بر کتلہ